



Broj: 01/6-50-1-32-11/05
Sarajevo, 17.02.2005.

Z A P I S N I K
sa 11. sjednice Komisije za saobraćaj i komunikacije

Sjednica je održana 17.02.2005. godine sa početkom u 13,00 sati.

Sjednici su prisustvovali članovi Komisije:

1. Miloš Jovanović,
2. Muhamed Moranjkić,
3. Ivo Lozančić,
4. Izet Hadžić,
5. Selim Bešlagić,
6. Adem Huskić,

Članovi Komisije: Nenad Mišić, Ruža Sopta i Milorad Živković nisu prisustvovali sjednici.

U ime Vijeća ministara BiH sjednici su prisustvovali Kojo Koprivica i Mirko Šekara. Vitomir Tošić i Dalibor Mladenović su prisustvovali sjednici po ovlaštenju poslanika Momčila Novakovića – predlagača amandmana, dok je poslanik Vinko Zorić, takođe kao predlagač amandmana lično prisustvovao. Isanović Edin je prisustvovao u ime Istraživačkog centra PS BiH.

Sjednici je prisustvovao sekretar Komisije Milan Zjajić i studenti stažiste Jasmina Sazdovski i Mersiha Smajić.

Predsjedavajući Miloš Jovanović je predložio sljedeći:

D N E V N I R E D

1. Verifikacija Zapisnika sa:
 - a) 9. sjednice, održane 18.01.2005. godine
 - b) 10. sjednice održane 31.01.2005. godine
2. Prijedlog zakona o osnovama bezbjednosti saobraćaja na putevima u Bosni i Hercegovini, predlagač Vijeće ministara BiH,
3. Ostala pitanja.

Dnevni red je jednoglasno prihvaćen.

Ad. 1. Verifikacija Zapisnika sa:

- a) 9. sjednice, održane 18.01.2005. godine
- b) 10. sjednice održane 31.01.2005. godine

Bez primjedbi, Komisija je jednoglasno verifikovala zapisnike sa 9. sjednice, održane 18.01.2005. godine i 10. sjednice održane 31.01.2005. godine

Ad. 2. Prijedlog zakona o osnovama bezbjednosti saobraćaja na putevima u Bosni i Hercegovini, predlagač Vijeće ministara BiH,

Prije otvaranja rasprave predsjedavajući je istakao da su na predloženi zakon amandmane uložili: Momčilo Novaković, Selim Bešlagić, Adem Huskić i Vinko Zorić, a najavio ih je i Mirsad Čeman. Dodao je i da je od fakulteta kriminalističkih nauka dobio publikaciju sa okruglog stola organizovanog povodom rasprave o predloženom zakonu te da zbog značaja oblasti koju zakon reguliše i velikog interesa lično

smatra poželjnim otvaranje javnog saslušanja, koje bi koristilo članovima Komisije da donesu što bolju odluku. Sličnog razmišljanja su bili i ostali članovi Komisije, kao i predstavnici predlagača zakona.

Zatim je o Predloženom zakonu i amandmanima Momčila Novakovića, nadahnuto, diskutovao Vitomir Tošić. U daljoj raspravi su učestvovali i ostali prisutni članovi Komisije i predstavnici predlagača Zakona.

Nakon provedene rasprave, a prije otvaranja procedura iz člana 87. Poslovnika, Komisija je jednoglasno odlučila:

1. Da otvori javno saslušanje o Prijedlogu zakona o osnovama sigurnosti saobraćaja na putevima u Bosni i Hercegovini,

2. Da se Javno saslušanje održi u zgradi institucija BiH u Sarajevu, Bijela sala, dana 11. marta 2005. godine sa početkom u 11,00 sati.

3. Da se na javno saslušanje pored članova Komisije pozovu predstavnici predlagača - Vijeća ministara BiH, i o javnom saslušanju sa mogućnošću učešća obavijeste: svi poslanici, predstavnici: izvršne i zakonodavne vlasti entiteta i kantona (Ministarstva obrazovanja, Ministarstva zdravlja, Ministarstva unutrašnjih poslova), nevladinih organizacija - udruženja (Crveni krst/križ, Udruženje sudija i tužilaca, Udruženje sudija za prekršaje, Auto – moto savez i sl), ostala zainteresovana pravna lica (Osiguravajuća društva, visokoškolske organizacije – pravni, saobraćajni i fakultet kriminalističkih nauka, policijske akademije i sl), kao i pojedinci koji imaju valjan interes.

Nakon provedenog javnog saslušanja Komisija će se izjasniti o Prijedlogu zakona o osnovama sigurnosti saobraćaja na putevima u Bosni i Hercegovini, kao nadležna komisija i podnijeti izvještaj Predstavničkom domu.

Ad. 3. Ostala pitanja

Na prijedlog Muhameda Moranjkića Komisija je jednoglasno odlučila da se od Ministarstva za saobraćaj i komunikacije ponovo zatraži da odgovore na pitanja koja su im postavljena na 8. sjednici održanoj 15.07.2004. godine. To su sljedeća pitanja, odnosno podaci koje treba dostaviti:

1. uslovi i kriteriji za raspodjelu dozvola, ko je i na osnovu čega propisao uslove, mikro i makro raspodjelu dozvola, te da se dostavi Pravilnik kojim je to regulirano;
2. uslovi za rad korisnika, pogotovo potreban broj vozila kojima korisnici moraju raspolagati;
3. pojašnjenje legendi koje se nalaze u datom Izvještaju, kao i vrste i oznake dozvola, dozvole vezane za međunarodni saobraćaj. Za sve treba dostaviti originalnu dokumentaciju;
4. ko je ovlašten za dodjelu dozvola i kako se dozvole dodjeljuju, da li dozvole dodjeljuje Komisija ili neko drugi;
5. postupak oduzimanja dozvola;
6. prava cijena dozvola, ko je i na koji način formirao cijene, na koji način i kome se naplaćuju dozvole po vrstama i vremenskom korištenju;
7. koji prevoznici su tražili a nisu dobili dozvole i zašto;
8. spisak članova Komisije za raspodjelu dozvola i od koga je Komisija formirana;
9. zapisnik o radu Komisije o raspodjeli dozvola;
10. obavještenja prevoznika o raspodjeli dozvola i kada su dozvole dobijene a kada su uručene.

Kako nije bilo drugih prijedloga za ovu tačku dnevnog reda predsjedavajući je u 15. sati zaključio sjednicu.

***Napomena:** Sastavni dio ovog zapisnika je stenogram koji sačinjava Zajednička služba Parlamentarne skupštine BiH.*

SEKRETAR KOMISIJE
Milan Zjajić

PREDSJEDAVAJUĆI KOMISIJE
Miloš Jovanović